



10. november 2010

Inatsisartut suleriaasianni § 36 imm. 1 naapertorlugu Naalakkersuisunut apeqquutit imaattut matumuuna saqqummiuppara:

Naalakkersuisunut apeqquut:

Royal Greenland-ip ingerlataanni assigiinngitsuni naatsorsuutit immikkoortitaarpat?

Royal Greenland-ip ingerlatsiviini nunani assigiinngitsuni naatsorsuutit immikkoortinneqarpat?

Royal Greenland-ip ingerlatsiviini suut sinneqartoorfiuppat, suullu amigartoorfiuppat?

(Inatsisartunut ilaasortaq Karl Lyberth, Siumut)

Tungavilersuut:

Naluneqanngitsutuut Royal Greenland nunani assigiinngitsuni suliffeqarfiteqarpoq, ataatsimullu isigalugu suliffeqarfissuaq taanna ukiunilu amerlasuunngortuni ingerlalluartaannartutut oqaatigineqarsinnaanani.

Ilimagilluinnarpara, pissusissamisoortutullu isigalugu Royal Greenland-ip ingerlatani tamaasa immikkut naatsorsuuteqartissagai, taamaattumik pissanganarpoq paasisallugu Royal Greenland-ip ingerlatsinerani ingerlatat sorliit sinneqartooruteqartumik imaluunniit amigartooruteqartumik ingerlatsiffiunersut.

Suliffeqarfissuaq Royal Greenland Namminersorlutik Oqartussat tamakkiisumik pigimmassuk naatsorsuutigilluinnarpara Inatsisartuni ilaasortatut apeqquteqarninni paaserusutakka erseqqissumik akineqarumaartut, isumaqarama pingaaruteqartoq inatsisartuni ilaasortaasugut tamatta Royal Greenland-ip ingerlatsiviinit sorliit amigartooruteqarfionersut imaluunniit sinneqartooruteqarfionersut erseqqissumik ilisimasaqalernissarput.